

### III. OUTRAS DISPOSICIÓNS

#### CONSELLERÍA DE SANIDADE E SERVICIOS SOCIAIS

*RESOLUCIÓN conxunta do 26 de xaneiro de 1996, da Secretaría Xeral da Consellería de Sanidade e Servicios Sociais e da Dirección Xeral de Recursos Humanos do Servicio Galego de Saúde, pola que se ordena a publicación do acordo suscrito pola Administración sanitaria e as centrais sindicais UGT, CSIF e SATSE, sobre determinados aspectos retributivos e outras condicións de traballo do persoal estatutario sanitario non facultativo e non sanitario da atención especializada de institucións sanitarias do Servicio Galego de Saúde.*

No marco da mesa sectorial de persoal sanitario, tralo proceso negociador seguido coas centrais sindicais integrantes dela, na derradeira reunión celebrada o 29 de decembro de 1995, a Administración sanitaria e a maioría das centrais sindicais acordaron elevar a definitivo o documento do 9 de xuño de 1995 que figuraba como documento anexo e con tratamento diferenciado no segundo punto da orde do día da mesa, que contén determinados aspectos retributivos e outras condicións de traballo relativos ó persoal sanitario non facultativo e persoal non sanitario de institucións sanitarias do Sergas.

Así mesmo, a Administración sanitaria e a maioría das centrais sindicais acordaron precisa-la xornada anual efectiva do persoal sanitario non facultativo e non sanitario de institucións sanitarias de carácter hospitalario do Servicio Galego de Saúde, en función das características da prestación de servizos derivada da necesaria realización de quendas de traballo, e da incidencia nelas de servizos nocturnos. Tal cuestión recollíase na orde do día da mencionada mesa e xa fora obxecto de tratamento exhaustivo en ponencia técnica designada no seu seo.

Ámbolos dous aspectos anteriormente referenciados conxúganse no documento anexo, co carácter de acordo, asinado pola Administración sanitaria e as centrais sindicais UGT, CSIF e SATSE e celebrado de conformidade co artigo 35 da Lei 9/1987, do 9 de xuño, pola que se regulan os órganos de representación, determinación das condicións de traballo e participación do persoal ó servizo das administracións públicas. Así mesmo consonte esixe, para a súa validez, o mencionado artigo, foi aprobado polo Consello da Xunta de Galicia en sesión do vinte e cinco de xaneiro de mil novecentos noventa e seis. O contido do devandito acordo é o que figura como anexo á presente resolución.

Para xeral coñecemento, de acordo co artigo 36 da citada Lei 9/1987, faise necesaria a súa publicación no Diario Oficial de Galicia.

Na súa virtude,

## RESOLVEN:

Dispõe-la publicación do acordo sobre determinados aspectos retributivos e outras condicións de traballo que nel se recollen relativos ó persoal estatutario sanitario non facultativo e non sanitario de institucións sanitarias xestionadas polo Servicio Galego de Saúde.

## Derrogación:

Quedan derrogados e sen ningún efecto tódolos acordos ou actos que existisen e se viñeran aplicando sobre as mesmas materias obxecto de tratamento no presente acordo.

Santiago de Compostela, 26 de xaneiro de 1996.

Alberto Núñez Feijoo

Secretario xeral da Consellería de Sanidade e Servicos Sociais

Carlos Negreira Souto

Director xeral de Recursos Humanos do Servicio Galego de Saúde

## ANEXO

En Santiago de Compostela o vintecinco de xaneiro de mil novecentos noventa e seis, no marco da mesa sectorial de negociación do persoal sanitario e de conformidade coas facultades conferidas no artigo 35 da Lei 9/1987, do 12 de xuño, de órganos de representación, determinación das condicións de traballo e participación do persoal ó servicio das administracións públicas, así como das competencias outorgadas á referida mesa sectorial por acordo entre a Administración da Comunidade Autónoma de Galicia e as organizacións sindicais, subscrito o 7 de setembro de 1991, os representantes da Administración sanitaria de Galicia e as centrais sindicais UGT, CSIF e SATSE, tralo proceso de negociación mantido no seo da mesa sectorial do persoal sanitario, asíñase o presente acordo sobre determinados aspectos retributivos e outras condicións de traballo do persoal estatutario sanitario non facultativo e non sanitario da atención especializada de II.SS. do Servicio Galego de Saúde, co contido que a continuación se expón.

### Primeiro.-Ámbito persoal.

O presente acordo seralle de aplicación ó persoal estatutario sanitario non facultativo e non sanitario dependente das institucións sanitarias da atención especializada do Servicio Galego de Saúde o réxime retributivo do cal é o establecido no Real decreto lei 3/1987, do 11 de setembro.

### Segundo.-Aspectos retributivos.

Establécese un incremento retributivo para o persoal referenciado no apartado anterior, cos criterios e cantidades indicadas que se expoñen a seguir, calculadas en importes correspondentes ó ano 1996.

1) A remuneración de penosidade derivada da prestación de servizos en réxime de quendas diferenciarase tanto en función do grupo de clasificación de pertenza do traballador como da tipoloxía das quendas que efectivamente comporte o réxime de prestación de servizos, distinguíndose para estes efectos.

1. Quenda fixa: réxime de prestación de servizos que non comporta rotación.

2. Quendas rotatorias: enténdese que realizan quendas rotatorias aqueles traballadores que roten por calquera das quendas establecidas, diferenciándose para estes efectos:

a) Quenda rotatoria simple: implica a realización de traballo durante a xornada ordinaria rotando pola quenda de mañá e de tarde.

Considérase así mesmo quenda rotatoria simple aquela que implique a realización esporádica de quendas nocturnas.

b) Quenda rotatoria complexa: supón a realización de traballo durante a xornada ordinaria rotando polas quendas de mañá, tarde e noite, cunha incidencia de servizos nocturnos periódica e regular ó longo do ano inferior a seis semanas en cómputo anual. Esta remuneración non será de aplicación ós postos de traballo de supervisión de enfermería nin de profesor de logofonía e logopedia.

	Quenda fixa	Quenda rotatoria simple	Quenda rotatoria complexa
Grupo A	7.763		
Grupo B excepto ATS consultas externas e ATS II.AA	5.175	8.798	12.420
ATS consultas externas e ATS II.AA	5.082	8.705	
Grupo C	4.140	6.986	9.833
Grupo D	3.105	5.693	8.280
Grupo E	2.588	4.658	6.728

2) Incremento no complemento de atención continuada modalidade B (domingos e festivos), que quedan establecidos nos importes que se indican a seguir:

Grupo B: 3.406 ptas.

Grupo C: 3.120 ptas.

Grupo D e E: 2.838 ptas.

3) Adecuación do nivel do complemento de destino dos ATS/DUE de consultas externas e ATS/DUE de consultas de institucións abertas pasando do actual 19 ó 21 con cargo, en todo caso a contía actual do complemento do PRD que vén percibindo o dito persoal.

4) Incremento das contías actualmente asignadas en concepto de complemento específico para os postos de traballo de supervisión de enfermería, co obxecto de equiparalas súas actuais retribucións coas do Insalud, nos importes que se indican a seguir:

-Supervisoras de área: 12.938 ptas./mes.

-Supervisoras de unidade: 9.315 ptas/mes.

5) Adecuación das retribucións asignadas á categoría de profesor de logofonía e logopedia no marco das actualmente vixentes no ámbito do Insalud, por mor da clasificación de tal categoría no grupo B dos establecidos no artigo 3 do Real decreto lei 3/1987, de 11 de setembro, sobre retribucións de persoal estatutario do Insalud.

6) Os importes retributivos que figuran no presente estudo correspondense coa xornada ordinaria co módulo horario que esta implica. O persoal cunha xornada inferior á ordinaria percibirá as súas retribucións coa redución proporcional correspondente.

7) Os efectos económicos dos anteriores apartados producirase a partir do 1 de xaneiro de 1996.

Terceiro.-Responsabilidade civil.

Asúmese o compromiso de elimina-la franquía actualmente existente, ben por vía dunha nova póliza que contratará a Administración, ben pola subvención da prima que individualmente concerte o persoal afectado.

Estudiarase a acción social do persoal mediante unha comisión central Administración-sindicatos.

Cuarto.-Formación.

Incremento dos fondos destinados á formación continuada do persoal sanitario non facultativo e persoal non sanitario do Servicio Galego de Saúde, na procura da mellora da calidade asistencial da sanidade pública galega.

Quinto.-Xornada anual efectiva.

A xornada correspondente ó persoal sanitario non facultativo e persoal non sanitario computarase en termos anuais conforme os criterios que se indican a seguir:

1. Quenda diurna: réxime de prestación de servicios que supón a non realización de quendas de noite.

Os traballadores que teñan asignada a súa prestación de servicios baixo o réxime de quenda diurna realizarán unha xornada anual efectiva de 1.624 horas.

2. Quenda nocturna: réxime de prestación de servicios que supón exclusivamente a realización de quendas de noite.

Os traballadores que teñan asignada a súa prestación de servicios baixo o réxime de quenda nocturna realizarán unha xornada anual efectiva de 1.430 horas.

3. Turno mixto ou rotatorio: dado que os artigos 50 e 57 dos estatutos xurídicos respectivos consagran a existencia de dúas modalidades de prestación de servicios de duración distinta, segundo se desenvolvan en quenda de noite ou diurna, considerarase modalidade mixta ou rotatoria aquela que realicen os traballadores que teñan asignada a súa prestación de servicios mediante a realización, de xeito rotatorio, de quendas diurnas e nocturnas.

Este réxime de prestación de servicios desenvolverase no ámbito das institucións sanitarias do Sergas baixo os seguintes criterios:

a) A realización de 67 noites ó ano enténdese como límite máximo da prestación de servicios nocturnos correspondente a esta modalidade de prestación de servicios.

A asignación dunha xornada de traballo que supoña a realización de 67 quendas nocturnas en cómputo anual implicará a realización efectiva dunha xornada anual de 1.433 horas.

Salvo que concorran necesidades asistenciais urxentes, non poderán asignarse prestacións de servizo en quenda mixta ou rotatorio que supoñan a realización de máis de 67 noites en cómputo anual.

b) A xornada anual efectiva que será realizada polos traballadores que teñan asignada a súa prestación de servicios en réxime de quenda mixta ou rotatorio que comporte a realización dun número de quendas nocturnas inferior a 67 obterase de calcula-la media da aplicación proporcional dos límites máximo e mínimo da xornada establecidos nos apartados 1 e 3 a) anteriores.

Para estes efectos, aplicarase a táboa de ponderación que figura como anexo á presente proposta.

Sexto.-Medidas aclaratorias e complementarias á ordenación da xornada.

1. A ordenación da xornada nas institucións sanitarias de atención especializada do Sergas non implicará en ningún caso minoración nas retribucións dos traballadores.

2. As economías que, se é o caso, se produzan como consecuencia da ordenación da xornada de traballo que se propón, non se transferirán a outros capítulos do orzamento de gastos do Servicio Galego de Saúde.

Neste sentido as ditas economías terán como obxectivo diminuí-la promedio de quendas nocturnas asignadas ós traballadores en quenda mixta ou rotatoria, e á mellora xeral nas condicións e cargas de traballo no ámbito das institucións sanitarias de atención especializada do Servicio Galego de Saúde.

3. O Servicio Galego de Saúde adoptará as medidas necesarias para posibilita-lo disfrute dos días de libre disposición nas datas escollidas polos traballadores.

4. O Servicio Galego de Saúde adoptará as medidas correspondentes para facilita-lo disfrute de redución de xornada nos supostos nos que a dita posibilidade non estea expresamente establecido na normativa vixente.

5. Constituirase coa maior brevidade posible unha Comisión Administración e sindicatos asinantes coa finalidade de elaborar propostas para a ordenación do actual réxime de permisos, licencias e vacacións do persoal das institucións sanitarias de asistencia especializada do Sergas.

Sétimo.-Comisión de estudio dos postos de traballo.

Constituirase unha comisión de estudio co fin de configura-los postos de traballo do persoal ATS/DUE, e outro persoal que se considere, para proceder á súa adecuación retributiva, se é o caso.

Oitavo.-Comisión de seguimento.

Constituirase unha comisión de seguimento integrada pola Administración e as centrais asinantes para efectua-lo seguimento e tratamento de tódalas cuestións que se deriven do presente acordo.

## ANEXO

### XORNADA EFECTIVA ANUAL EN FUNCIÓN DO NÚMERO DE NOITES TRABALLADAS

Módulo noites	Noite S ano	LSN	M/T	V	LD	L	Xornada efectiva
Diurno	0	0	232	30	9	94	1,624
1	1	1	230	30	9	94	1,620
1	2	2	228	30	9	94	1,616
1	3	3	226	30	9	94	1,612
1	4	4	224	30	9	94	1,608
2	5	5	222	30	9	94	1,604
2	6	6	220	30	9	94	1,600
2	7	7	218	30	9	94	1,596
3	8	8	217	30	9	93	1,599
3	9	9	215	30	9	93	1,595

3	10	10	213	30	9	93	1,591
3	11	11	211	30	9	93	1,587
4	12	12	209	30	9	93	1,583
4	13	13	207	30	9	93	1,579
4	14	14	205	30	9	93	1,575
Módulo noites	Noite S ano	LSN	M/T	V	LD	L	Xornada efectiva
5	15	15	204	30	9	92	1,578
5	16	16	202	30	9	92	1,574
5	17	17	200	30	9	92	1,570
5	18	18	198	30	9	92	1,566
6	19	19	196	30	9	92	1,562
6	20	20	194	30	9	92	1,558
6	21	21	192	30	9	92	1,554
7	22	22	191	30	9	91	1,557
7	23	23	189	30	9	91	1,553
7	24	24	187	30	9	91	1,549
7	25	25	185	30	9	91	1,545
8	26	26	183	30	9	91	1,541
8	27	27	181	30	9	91	1,537
8	28	28	179	30	9	91	1,533
9	29	29	178	30	9	90	1,536
9	30	30	176	30	9	90	1,532
9	31	31	174	30	9	90	1,528
10	33	33	170	30	9	90	1,520
10	34	34	168	30	9	90	1,516
10	35	35	166	30	9	90	1,512
11	36	36	165	30	9	89	1,515
11	37	37	163	30	9	89	1,511
11	38	38	161	30	9	89	1,507
11	39	39	159	30	9	89	1,503
12	40	40	157	30	9	89	1,499
12	41	41	155	30	9	89	1,495

12	42	42	153	30	9	89	1,491
13	43	43	152	30	9	88	1,494
13	44	44	150	30	9	88	1,490
13	45	45	148	30	9	88	1,486
13	46	46	146	30	9	88	1,482
14	47	47	144	30	9	88	1,478
14	48	48	143	30	9	87	1,481
14	49	49	141	30	9	87	1,477
15	50	50	139	30	9	87	1,473
15	51	51	137	30	9	87	1,469
Módulo noites	Noite S ano	LSN	M/T	V	LD	L	Xornada efectiva
15	52	52	135	30	9	87	1,465
15	53	53	134	30	9	86	1,468
16	54	54	132	30	9	86	1,464
16	55	55	130	30	9	86	1,460
16	56	56	128	30	9	86	1,456
17	57	57	126	30	9	86	1,452
17	58	58	125	30	9	85	1,455
17	59	59	123	30	9	85	1,451
17	60	60	121	30	9	85	1,447
18	61	61	119	30	9	85	1,443
18	62	62	117	30	9	85	1,439
18	63	63	115	30	9	85	1,435
19	64	64	114	30	9	84	1,438
19	65	65	112	30	9	84	1,434
19	66	66	111	30	9	83	1,437
19	67	67	109	30	9	83	1,443
Nocturno	143	143	0	30	9	40	1,430